

校仲則詩付梓不覺愴然



金華道上牧羊兒
派衍蜀江

弟幾支

仲則為文節裔孫

萬斛才源傾

似海一生困頓遇偏奇
當年有

願追君後他日何人校我詩
最

憶椒花吟舫內風流宏獎筭
河

師

一身未遇庸非福
半世能狂

亦可哀

仲則別雅存句

每自手鈔傳

好句曾聞拍案嘆
天才

昔在筭河師座

有少年以己詩方仲則者筭河師大噓曰仲則天才也

主盟

已占騷壇久獻賦
同隨

翠輦來

丙申歲與仲則同
赴津門

名試為愛

幽并悲壯氣頓教仙骨落塵

埃

渭川趙希璜



題西當軒集

出水芙蓉麗天然不受塵風
流子載後重見謫仙人此日應
無敵多歌信有神如何難一遇
到安感沉淪

宦職生前幻詩名海內欽斯人

六

竟無命造物亦何心
秦地賓朋盛燕山
兩雪深竭來鴻不在三
復有餘音

昔日侍宗匠龍門天際開

筍河石君西師

先後視學吾闈于皆為賞識至
康成成進士座主又石君師也

執經誰領

衷煮酒細論才

石君師言張孟詞經學為
吾門之冠詩才則獎仲則云

昨夢悲隣留孟河已逝神交式鬢材

子與仲則素未謀面白頭餘老友追陪禹王

臺洪稚存編修自黔中歸歡然道故出兩當軒篋存見示

趙侯今健者與我契平生古誼

真雅及遺編幸告成趙渭川明府刻於安陽

名山千載業宿草百年情把

七

卷心長慰喜風手一觥

侯官青墅鄭大漠



景仁四歲而孤鮮伯仲家壁立太夫人督之讀稍長從塾師授制藝心塊然不知其可好先是應試無韻語老生宿儒鮮談及五字學者舊藏一二古今詩集束置高閣塵寸許積竊取繙視不甚解偶以爲可解則栩栩自得曰可好者在是矣間一爲之人且笑姍且以其好作幽苦語益唾棄之而好益甚也歲丙戌常熟邵先生齊燾主講龍城書院矜其苦吟無師且未學循循誘之景仁亦感所知遇遂守弗去二年公卒益無有知之者乃爲浪遊由武林而四明觀海潮錢塘登黃山復經豫章汎湘水登衡岳觀日出浮洞庭由大江以歸是遊凡三年積詩若干首中漸於嘉興鄭先生虎文定興王先兩當軒詩鈔

卷一

一

生太岳之教家益貧出爲負米遊客太平知府沈旣堂先生業富時大興朱先生筠督學安慶招入幕從遊三年盡觀江上諸山水得詩若干首體羸疲役年甫二十六耳氣喘喘然有若不能舉其軀者自念鄉所遊處舉凡可喜可愕之境悉於是乎寄恐貧病漂泊脫有遺失因檢所積十存其二三聊命故人編次之夫勿之所作稍長輒悔後之視今何獨不然輒爲數語以自策勵且述辛苦時乾隆乙未季春月之十一日

行狀

祖高淳縣學訓導大樂

父縣學生之揀

乾隆四十八年歲在癸卯黃君景仁以瘵疾卒於解州臨終以書貽友人洪亮吉於西安俾經紀其喪亮吉發書卽行以五月十六日臨君殯於解州之運城亮吉知君最詳塗次撰君行事狀以乞志傳并使後之傳文苑者有述焉君諱景仁字漢鏞一字仲則系出宋祕書丞庭堅自宋南渡時由鄱陽遷武進遂爲武進人祖大樂以歲貢生官高淳縣學訓導父之挾禱於學宮神祠而生君故小名高生君數歲卽孤伯兄又繼卒訓導君撫以成立性不耽讀而所受業倍常童年八兩當軒詩鈔

卷一

一

九歲試使爲制舉文援筆立就學使者歲科二試吾鄉應童子試者至三千人君出卽冠其軍前常州府知府潘君恂武進縣知縣王君祖肅尤竒賞之君美風儀立儔人中望之若鶴慕與交者爭趨就君君或上視不顧於是見者以爲偉器或以爲狂生弗測也君守訓導君訓未嘗學爲詩歲丙戌亮吉亦就童子試至江陰遇於逆旅中亮吉携母孺人所授漢魏樂府鼓本服輒朱墨其上間有擬作君見而嗜之約共傲其體日數篇逾月君所請出亮吉上遂訂交焉及常熟邵先生齊燾主常州書院亮吉及君皆從游君學益大進君爲諸生家甚貧不願授徒值潘君恂王君祖肅遷官杭歛君遂歷訪之歸必得詩數百篇後復携邵先生書客湖南按察使王

君大岳署中是時君已攬九華陟匡廬泛彭蠡歷洞庭每獨遊名山經日不出值大風雨或暝坐崖樹下收豎見者以爲異入自湖南歸詩益奇肆見者以爲謫仙人復出也後始稍稍變其體爲王李高岑爲宋元祐諸君子又爲楊誠齋卒其所詣與青蓮最近歲辛卯大興朱先生筠奉

命督安徽學政延亮吉及君於幕中先生賓客甚盛越歲三月上已爲會於采石之太白樓賦詩者十數人君年最少著白袷立日影中頃刻數百言徧視坐客坐客咸輟筆時八府士子以詞賦就試當塗聞學使者高會畢集樓下至是咸從奚童乞白袷少年詩競寫一日紙貴焉君日中閱試卷夜爲詩至漏盡不止每得一篇輒就榻呼亮吉起誇視之以是亮

兩當軒詩鈔

卷一

二

吉亦一夕數起或達曉不寐而君不倦居半歲與同事者議不合徑出使院質衣買輕舟訪秀水鄭先生虎文於徽州越日追之已不及矣其標格如此君自知年不永嘗其赴弔邵先生於常熟夕登虞山遊仲雍祠北望先生墓慨然久之曰知我者死矣脫不幸我先若死若爲我梓遺集如玉芝堂乎玉芝堂者王君太岳爲邵先生所刊詩文集名也亮吉以君語不倫不之應君就便執神祠香要亮吉必諾乃已故平生於功名不甚置念獨恨其詩無幽并豪士氣嘗蓄意欲遊京師至歲乙未乃行亮吉亦以貢入都值母孺人疾中止君自京師貽亮吉書曰人言長安居不易者謬也若急爲我營畫老母及家畀來俾就近奉養不至累若矣亮吉時奉母孺人

憂家居發其書資無所出君向有田半頃屋三椽因并質之得金三鎰俾君之戚護君母北行後二年而亮吉遊京師君果以家室累大困亮吉復爲營歸資俾君婦及子奉君母先回而君已積勞成疾矣又二年亮吉遊西安君繼至今陝西巡撫畢公沅奇君才厚資之遂以乾隆四十一年

上東巡召試二等在

武英殿書簽例得主簿入資爲縣丞銓有日矣爲債家所迫復抱病逾太行出雁門將復遊陝次解州病殆遂卒於今河東鹽運使沈君業富運城官署距生乾隆十四年年三十有五君性不廣與人交落落難合以是始之慕與交者後皆稍避君君亦不置意獨與亮吉交十八年亮吉屢以事規君

兩當軒詩鈔

卷一

三

君雖不之善而亦不之絕臨終以老親弱子拳拳見屬君之意殆以亮吉爲可友乎此或君之明而亮吉亦有不取辭者矣君年甫壯歲蹤跡所至九州歷其八五岳登其一望其三及歿而出篋中詩篇幅完善者至二千首是可傳矣君之喪沈君經郵之甚至巡撫畢公暨今陝西按察使王君昶等亦厚賻之皆俾亮吉挾之歸以奉君之親以撫君之孤以無貽君九泉之戚畢公又將梓君詩以行蓋數公者於君皆始終禮愛之爲近今所難及亦君之才有以致之也君娶於趙氏生一子二女子年十三女長年十六次年五歲五月二十六日行次宜陽友人洪亮吉謹狀

武進 黃景仁 仲則著

長寧 趙希璜 渭川校

初春 癸未年起

未覺氈爐煖旋懷柑酒新
池臺平入夜原野渺舍春物外欣
然意風前現在身中宵感幽夢水雪尚嶙峋

舟中詠懷

巨發極清曠夕眺俄幽亘沙
是處浣踪葉積返樵徑白水寒
較明昏霧薄將疑動播虛舟賞
迢越滄洲興同調間岩岑秦
越罕投贈長歌闕以再傾耳
誰與應殊悲生事薄聊覺野情
勝中宵風鶴聲淒彌孤聽

兩當軒詩鈔 卷一

清明步城東有懷邵大仲遊

水明樓下漲紋平柳外遙山林黛輕
二月江南好風景故人
此日共清明征鴻歸盡書難寄燕子來時雨
易成尋遍艤舟
亭畔路送君行處草初生

題馬氏齋頭秋鷹圖

秋高江館寒生稜眼芒忽觸瑤光星空塵動壁風旋榻颯爽
下擊要離精金眸竊注緊腦側下若萬騎相摩聲凝神看定
知是畫是誰掃筆如霜劓虛光四來指毛髮殺氣迅走兼英
靈懸此可以了魑魅詎有烏雀來空庭昔年作健臂而走一
揮飛破長天青仰天大笑纓索絕毡毳斗大盤高城沙黃日
白杳不見圍塲散盡毛血腥今見此畫如見生頭角怪爾逾

崢嶸得霜則奮飽則颺呼鷓作弟鷓爲兄知君氣類極神俊
嗟彼雉兔何聊生急將此圖卷高閣眼前萬物心和平

別意

別無相贈言沉吟肯燈立半晌不抬頭羅衣淚沾襟

秋夜酌閔二舟中

移船向君飲款語盡斜暉風細不妨燭寒輕漸暄暄琵琶商
女怨砧杵遠人衣起視秋江上蘆花有鴈飛

少年行

男兒作健向沙塲自愛登臺不望鄉太白高高天尺五寶刀
明月共輝光

秋夜曲

兩當軒詩鈔

卷一

二一

蟋蟀啼階葉飄井秋月還來照人影錦衾羅帷愁夜長翠帶
瘦斷雙鴛鴦幽蘭裊露露珠白零落花香葬花骨秋深夜冷
誰相憐知君此時眠未眠

靈壁磬石歌

青神志埴輸球琳泗濱作貢傳至今古樂雖亡古質在歷久
剝削沉坑深產饒欲盡不盡氣得徑尺價昂千金當年帝命
后夔憂聖作聖奏聖所歆於風斯乾樂斯振知民立辨宣鬱
沉後人好尚乃大異用作拱玩搜岩岑金鐘玉琯失依附洞
房曲作添清陰峯巒洞穴卒嗟見鏤刻微渺窮芒鍼螭盤蛇
臥文理別方壇華蓋開張森澄心堂硯秘制出宣和天翰尤
淋淋丈人忽作束腰具坐以神物供荒淫文人癖嗜更多有

寶貴奚啻同天琛齋空松雪圖史散庵廢海岳莓苔侵昔年
手澤半零落望誰更辨冷冷音一舉把玩不忍釋悄思登岱
臨風吟國工國器交有待完璧且作無絃琴後人得此重愛
惜中有入海千秋心

雜詠

東方月出皎照見傾城姿君寵正專房不信能棄夷梁塵飛
更寂璫枝冷欲披一朝繁華露化爲千淚絲終知恩決絕未
免心然疑詰且理清鏡方知玉貌移天長滄海濶何以度蕭
時

小鳥有比翼雙飛愁天寒朝銜樽桑枝暮巢琪樹端勞生豈
不惜幸有相與歡長天渺征路中道逢哀鸞關山引孤歎毛

兩當軒詩鈔

卷一

三

羽自摧殘文禾亦已高誰與相盤桓陽岡有梧實努力加朝
餐

生年三五時瑤華比光彩萬事匪所憂此景若常在既見故
者非旋見新者改未覺少壯過祇增前日悔所悔行樂遲精
役形乃殆不知何事勞但若有所待賤軀一何眇前後各千
載

層雲結廣廈海燕東南飛年年巢君屋主人心不疑穿樹樹
枝密入花花影稀卽此全盛日願能常見之胡爲閨時歲忽
忽恩變移舊巢旣已毀梁在無留泥豈不懷新居但感舊所
知徘徊日云暮燕燕空爾爲

朝行燕市中夕宿夷門道酒徒旣寂寥信陵亦荒草壯士重

一言千金失其寶萬里擁頭顱朝在暮不保當其悲來時天地亦爲老感此抱區區雙鬢如蓬葆睠言懷古人憂心慤如擣

子雲耽清淨家貧常晏如竒字世不識不知讀何書苦爲二元秘言惜此名山驅後塵匪能步尚哉珍令譽

皎皎明月光延緣上空林幽堂悄然白彷彿來素心素心日以隔蕭景日以逼薄幃生虛寒夢醒如在側攬衣起徬徨橫涕下霑席寸心常不移可以照顏色

駸駸感騷驥惻惻聆悲泉寂寂登高樓幽幽發素絃風川滯吳越塵陸界幽燕遠目易晡夢懷人信流連白雲詎能盡坐此素景遷緘情竟何待助吟歸來篇

兩當軒詩鈔

卷一

四

方壺隔滄溟縹緲鬱靈異至者烏可知望者空以涕欲度旣無架安能坐憔悴一水具溟渤一石具嵩岱化理本不殊舉目皆可會莫恤鄒生談馳精九州外

行行向京雒冠蓋織古今疲極或慨息偶云慕泉林長揖挽之去至竟非其心朝來出門望車跡恐不深驚流少潛魚疾飈無安禽亮矣子陵釣慙哉嵇生琴

浮海去南越望古建德國泐懷結衣冠愴慮動顏色誰知此中人出入惟作息淵明有心人歸擬避秦客千載桃花源想像遺民宅自崖詎能從問津信何益無懷與葛天吾將共晨夕

中庭有勁草烈烈凌寒霜及至衆芳發努力媚春陽竒質無

可見一心與物忘嗟彼碌碌者先時自摧傷

修修孤生木叢叢蔽荆棘何意來良工空山遂物色彫鈇成
方圓顧盼與修飾芬芳襲衣綦塵垢幸拂拭在物匪可耽幸
伴君子側宛轉望君知莫忘本性直遺簪與敝帷子載欽亮
德

秦越異哀樂春鳥亦殊音曉牖展晴陰飛鳴遞簷陰聞見異
鄉土共此當春心萬物欣有託吾嗟竟安任

蛾眉朝見寵夕姍來羣陰譜醜伏禍淺譽美藏機深周旋影
自失愉悅魂相尋溪頭浣紗女日暮愁滢滢彼此更相羨泣
下俱沾巾

百交戒情盡今交患情離苦自留其餘不知將贈誰寶劍旣
兩當軒詩鈔卷一

五

心許慨然脫相遺安用掛樹日悲此宿草爲

貧女中夜織疋戶絕四鄰熒熒一燈影自落空草根伊軋面
虛壁中織時悲辛顏色不自達誰知此女貧貴賤異繪錦各
出桑蠶身同生而異造賦命安可論惟當自努力弗使機生
塵

九鐘鳴豐山青女肅宵駕萬植浮餘榮陰陰斂逾下惡木旣
失蔭崇蘭亦頽化感此離居憂塞帷達遙夜所歡入我夢告
我容華謝霍矧不可追寒光滿虛樹

人生處天地纖塵棲弱草風至草動播微軀不自保萬物謀
所寄時至安能巧大壑藏舟移過眼疾於鳥何用心入事兀
兀抱枯槁

中夜理瑤瑟未理百憂結欲彈舊時聲中曲變鳴咽手爪非
不同芳華有時竭絲桐爾何知應我心中節揮謝不復調徒
使肝腸絕

擬飲馬長城窟

秦城蒼蒼漢月白秋風飲馬長城窟鬪饑出土繡碧花猶道
□□□□秦皇築城非不仁漢武開邊亦可人遮斷玉關
朝遣戍長驅青海夜生塵祈連封後焉支失絕漠愁胡眼流
血殘星點點散牛羊霜天蕭蕭動威策聞道材官重首功輕
車仍拜未央宮從此北庭常保塞幾曾南下敢關弓射生舊
日雲中守列帳傳呼賜牛酒三時禾黍種連雲四月桃花開
馬首城郭西頭爭掃除蒲桃天馬貢長途太平不用封侯相

兩當軒詩鈔卷一

六

衛霍如今只讀書

題畫

淙淙獨鳴澗矯矯孤生松半夜未歸鶴一聲何寺鐘此時彈
綠綺明月正中峯髣髴逢僧處春山第幾重

遇王大邗譽

不是逢搖落誰知宋玉愁及關方浩歎出峽又扁舟驛路成
傾蓋霜天各傲裘蕭蕭詞客鬢幾度異鄉秋

十三夜

初更急風雨孤館生薄寒夢醒忽見月仍在疎櫺間推窻面
軒豁巡簷步蹢躅林色黯逾潔驚鳥棲未安晴雨忽異境頓
作新霽看始知造物幻倏霍無其端清光皓同色中夜發長

歎

秋夕

桂堂寂寂漏聲遲一種秋懷兩地知
羨爾女牛逢隔歲爲誰
風露立多時心如蓮子常含苦
愁似春蠶未斷絲判到幽蘭
共類化此生無分了相思

登千佛岩遇雨

木落千山秋天空一江碧
賈勇登巉巖夬昔瞰危壁獵獵虎
嘯林陰陰龍起澤膚寸足下雲條已際天
白急雨翻盆來疾雷起肘腋同游三兩人
相望失咫尺飄然冷風過烟霾漸消迹
雨脚移而東長虹逗林隙山翠濕淋漓
苔空見白石快哉今日觀橫寫百憂積
山川美登眺嗟余在行役陟高曖親廬
兩當軒詩鈔卷一

七

犯險乖子職歸當置濁醪獨酌莫驚魄

觀潮行

客有不樂遊廣陵臥看八月秋濤興
偉哉造物此巨觀海水直挾心飛騰
溟萬萬夙未屆對此茫茫八埏隘才
見銀山動地來已將赤岸浮天外
砰巖砲岳萬穴號雌雄吟六節
搖豈其乾坤果呼吸乃與晦朔爲
盈消殷天怒爲排山入轉眼西追日
輪及一信將無渤海空再來或恐鴻
蒙濕唱歌踏浪輸吳儂曾齋何物邀
海童答言三千水犀弩至今猶敢擐
其鋒我思此語等兒戲員也英靈實
南避只合回頭撼越山那因決目仇
吳地吳顛越蹶曾幾時前胥後種誰
見知潮生潮落自終古我欲停杯一
問之

後觀潮行

海風捲盡江頭葉沙岸千人萬人立怪底山川忽變容又報
天邊海潮入鷗飛艇亂行雲停江亦作勢如相迎鵝毛一白
尚天際傾耳已是風霆聲江流不合幾回折欲折濤頭如折
鐵一折平添百丈飛浩浩長空舞晴雪星馳電激望已遙江
塘十里隨低高此時萬戶同屏息想見窻櫺齊動揺頭障
天天亦暮蒼茫却望潮來處前陣纔平羅剎磯後來又沒西
與樹獨客弔影行自愁大地與身同一浮乘槎未許到星闕
採藥何年傍祖洲賦罷觀潮長太息我尙輸潮歸卽得回首
重城鼓角哀半空純作魚龍色

秋風愁

兩當軒詩鈔

卷一

八

秋草揺天黃白楊醉霜紫驄馬嘶不歸秋風葬純綺

莫打鴨

莫打鴨打起鴛鴦睡鴛鴦飛去向成雙落得芙蓉安心碎

春雨望新安江

入春三月雨不止意欲漲滿新安江杏花溪間流更急四山
靜聽聲淙淙盤沙狼石不相讓苦與洪溜交春捉我來客冬
山水涸扁舟萬力勞扶扛十篙上瀕復九退船背沙石磨礫
琤苦緣上流勢猛惡乾冬尙且艱行艤况今千山萬山雨并
作一道奔驚瀧舟人同此筋力耳胡能與此相衝撞朝來客
從武林至時陳惠下流見拍潮頭降若從此時放舟去兩日
已下錢塘椿我思武林好風景江山潑秀來軒窻經春山笋

節鬆脆出水河魚腹膨肛酒船脚尾六橋外酒徒四集人語
曉胡我鬱鬱久居此低頭顧影隻不雙多時塵汗積芒屨獨
夜鼠踏翻銀缸坐愁行歎困羈旅飲不成戶歌無腔依人偃
蹇竟何濟此不逕去將母憇明當放溜趁新漲臥聽船鼓催
逢逢

焦節婦行

雄鷄齊喚霜滿天看郎刀裹肩上有里胥促發似豺虎語聲
未畢行塵前熒熒爲君守鄉里妾身雖生不如死床頭有兒
呱呱聲此時欲死還宜生翠鈿羅襦一時卸轉託鄰翁向街
賣郎行慎勿憂家中妾身可碎妾不嫁生當努力青海頭死
當瞑目黃泉下等閒一度十九秋兒成學賣事遠遊妾存已

兩當軒詩鈔

卷一

九

似枝上露郎在亦白天邊頭五更城頭吹感築黑雲如輪月
如漆熒熒一點青鉅寒蟋蟀在戶鬼在室忽然四面來血腥
舉頭瞥見神魂驚一人手提鬪髻立遍體血汗難分明汝近
前來妾不懼果是郎歸定何據一風暗來飄血衣去日曾穿
此衣去郎歸妾已知但怪來何遲床頭一燈滅梁上長繩垂
又聞瀚海風沙一萬里郎兮幾時飛度此妾死尙欲隨郎行
看郎白骨沙塲裏

途中遺病頗劇愴然作詩

搖曳身隨百丈牽短擎孤照病無眠去家已過三千里墮地
今將二十年年事有難言天似海魂應盡化月如烟調糜量水
人誰在况值傾囊無一錢

今日方知慈母憂天涯涕淚自交流忽然破涕還成笑豈有
生才似此休悟到往來惟一氣不妨秦越與同舟撫膺何事
堪長嘆曾否名山十載遊

病愈作歌

淞江一夜大風雪病熱忽減身知寒曉聞飯香腹股吼生氣
自怪來無端同舟估客喜相賀長年枕工心始寬我會大小
數十病雖脫鬼手生則殘有如老將身經百餘戰遍體刻畫
皆瘡癩重經戰處始長歎孤軍弱壘心茫然我思冥中亦豈
厭狂客幾度得遣吟魂還或者天意忌作達坎塹使識爲人
難否則山靈水怪夜深哭畏我幽僻工彫剜明知無益聚爲
崇汝曹再至直無顏我歌至此啞然笑呼藤疆立行躡跚推
兩當軒詩鈔卷一

十

逢急欲看日影風前獨倚愁孤孱嗚呼病而得愈且休歎但
恨失却半月船頭山

感舊雜詩

風亭月榭記綢繆夢裏聽歌醉裏愁牽袂幾曾終絮語掩關
從此入離憂明燈錦幄珊瑚影細馬春山剪剪眸最憶瀕行
尙回首此心如冰只東流

而今潘鬢漸成絲記否羊車並載時挾彈何心驚共命撫柯
底苦破交枝三春風柳傷思邈別樣烟花惱牧之莫把鴟弦
彈昔昔經秋憔悴爲相思

柘舞平康舊擅名獨將青眼別書生輕移錦被添晨卧細酌
金卮遣旅情此日雙魚寄公子當時一曲怨東平戲王祠外

花初放更共何人緩緩行

非關惜別爲憐才幾度紅箋手自裁湖海有心隨賴士風情
近日逼方回多時掩幔留香信依舊窺人有燕來自古同心
終不朽羅浮塚樹至今哀

月下登太白樓和思復壁間見懷韻

曰也高樓上切雲巉巖業業水鄰鄰先生去後爲長句海內
於今有故人我亦能來醉汀月君從何處倚秋旻臨流無限
瑤華憶咫尺風波未可陳

金陵雜感

平淮初漲水如油鍾阜嵯峨倚上游花月卽今猶似夢江山
從古不宜秋烏啼舊內頭全曰客到新亭淚已流那更平生

兩當軒詩鈔

卷一

十一

感華屋一時長慟過西州

康王廟夜宿

殿角叫鳴梟門前沸海潮淒淒五更轉隱隱百靈朝野曠秋
衾薄風寒宿酒消百年羈旅夜生事大無聊

中元僧舍

初見秋月圓卧病客心折經魚沸夜潮風馬戛蒼鐵強步臨
前溪光景渺悽絕灑露樹頭明紅燈草根滅人鬼半天涯悽
魂歛商節辭家今半年感此涕如雪三翼歸幽齋寒鷺伴鳴

咽

金陵待稚存不至適容甫招飲

去年人來白下時清秋襟被相迫隨青溪溪頭一輪月照爾

日日添新詩偶然待論有齟齬事後回首皆相思今年秋比去年早今年月比去年好我來待君君不來問水尋山都草草幸有汪子相過從慰我離家傾深鍾尊前話舊半悲樂痛飲不覺酣西風聊將生別新知意吟入六朝烟寺中

雨花臺

行盡長干道崇臺得壯觀秋天多雨勢江上更風寒王氣全消歇山形尚鬱盤松楸彌望處寂寞葬千官

八月十六夜景陽閣

內橋東去冶城西傑閣峻嶒望眼迷只欲化烟山黯黯每於對月客淒淒半城簫管吹雲淨平野星河壓戍低節物漸移燈火亂更無殘夢到金闈

兩當軒詩鈔卷一

對酒歌

倉倉皇皇壯士泣路旁欲上太行兮冰折轂乃浮滄溟兮水

浩浩其無梁解一有何神之君鞞彼飛練縹旌流雲兮閃騎爭

電明明在前條乃無見解二朝吁暮吟邪氣內陷肝腸四摧匪

有此七尺而誰之哀解三青天為車日月為輪載我百年輾轉

苦辛我欲摧之為朝餐之薪解四糾兮結兮有氣如霓知不可

久留兮吐吐苦饑解誰謂殤子天彭咸為壽驅車出郭門狐

九尾蛇兩首啖人骨如餽古人云死欲速朽解二渺慮八埏靈

光四來我乃逐於物而頽灰解三堯舜在上許由洗耳鳳凰不

祥羽毛禍體解四乃云少原之野闔風之邱有晦兼為圃兮壘

玉為樓不見夫西王母之戴勝穴處兮夫何有異樂之可求

秋興并序

昔潘黃門以三十二見二毛爲賦秋興余則二十有三耳
臨風攬鑒已復種種早凋如此其何以堪且念人之以白
頭蓋棺者十不得一而余已先見此也有慨於懷率爾成
詠藻詞莫託均感期一和之云爾

羣植歛商氣壯士悲暮年華心一朝盡魂質無芳妍摧殘積
獨厚零落爭時先於物爲不祥於理有固然昔人抗遐尙奮
藻輝星躔觸寓感孤抱流哀彌八埏亮由悲年命三歎撫遺
篇盛時不可再千載同逝川

嚴飈一何物勁草心不憂白髮本至公不上松期頭蓬壺一
兩當軒詩鈔卷一

三

水隔大藥知難求奈何處一世俯仰同纍囚未識生人樂行
將成土邱回風蕩四壁日影何口口恨隨孤蓬發思逐纖塵
流嗟余未聞道何能齊短修徵衰非一端淚下不可收

借稚存登鷄鳴山

前代游觀所離宮面面開草知盤馬地雲識放鷹臺城郭叢
花現江流匹練迴回看孝陵樹懷古使心哀

旅夜

天高野曠肅孤清落木蕭蕭旅夢驚病馬依人同失路冷蟬
似我只吞聲荒城月出夜逾悄小閣燈殘水忽明一卧滄江
時節改深杯柏葉爲誰傾

稚存歸索家書

只有平安字因君一語傳馬頭無歷日姑記雁來天

甫有

甫有談經約傳聞太不祥黯同秋草折永入夜臺長橫瑟知
無路回車合斷腸一篇傷友賦頭白爲江郎

擬銅雀妓

漳流望不極朝日耀飛甍復曲綺疏結紛蘊繁枝呈緘芳各
流媚三千同一情不知玉輦去猶作遏雲聲君恩竟何許高
臺猶未平塵將華吹歇月照總帷明回首西陵樹惻愴念平
生

子夜歌

思君月正圓望望月仍缺多恐再圓時不是今宵月萬里流
兩當軒詩鈔卷一
何遠真愁見面難閨中無挾彈那得雁書看

西

金陵別邵大仲游

三千餘里五年遙兩地同爲斷梗飄縱有逢迎皆氣盡不當
離別亦魂消經過燕市仍吳市相送臯橋又板橋愁絕馱鈴
催去急白門烟柳晚蕭蕭

仲游行病甚

久別會方遽言離病更兼勞生何日息白髮一時添玉骨常
思化金風早戒嚴前途好將護爲爾下車轡

九月白門遇伍三病甚恐其不可復治後聞其強病相送而
余已發矣因綜計吾二人聚散踪跡作爲是詩伍三見之

當霍然也

伍郎束髮去鄉土挾彈翩翩十三五呼盧縱酒百不憂只思
射殺南山虎西冷橋畔與君逢投鞭一醉春風中吳姬壓酒
香滿店門外垂楊嘶玉驄是時方爾小意氣絕傾倒一爲吳
門別君訪安期島十年滄海頭朱顏不自保嗟嗟翔風翰墮
作窮林鳥葛衣索索行市中雙鬢憂來似蓬葆道逢南陽劉
孝標慨然與著廣絕交炎涼世能有如此我輩豈肯長蓬蒿
倏忽流光疾如電耿耿思君撫長劍扁舟三度訪君門落花
滿地無人見今秋意外得重逢誰知君病餘危喘得志無身
古所傷况今七尺猶貧賤我爲因人更遠離望風遙別不勝
悲聞君力疾猶相送想見重來惆悵時

不寐

兩當軒詩鈔

卷一

五

不寐憂心折支頤達夜闌神虛警微響屋古動蕭寒氣候三
秋盡羈孤一夢難來朝清鏡裏應有二毛看

客齋偶成

詎有飛鳴志何因賦自憐骨臞依檻鶴詩澁受塵絃虛壁雲
光動寒窻日色鮮艱難衣食况無計且高眠

道旁廢園

何人行樂處零落見陂池草竟長於我花還開向誰盛時來
已晚過客見同悲問訊樵蘓者模糊半不知

新月

開簾延暝色涼月已如鉤頓使碧天遠平含萬里愁
外寺薄霧水西樓悵好幽人夢依依不可留

乍見是將落愁心不可論陰陰當鏡閣慘慘掛關門光弱如
新病天長有斷魂相看兩幽絕一角遠山痕

別顧文子之繁昌

楓林如醉雁成羣小疊行裝向夕曛詎有西江能潤我不堪
南浦又辭君分馳晏歲多殘客回首重城祇斷雲遲爾春來
官閣裏梅花消息早相聞

楚歌行

琳琳琅琅洞開金房鏗鏗鏘鏘中調絲簧主人將罷直歸從
承明軒旌曷來兮出門望堂前翹足珠履客窻中卷幃紅袖
色起視府中府中屏息忽傳收者將到門金爐香爇酒正温
羣奴倉皇客引退來時浮雲去時水

兩當軒詩鈔

卷一

六

陌頭行

妾心化遊絲牽歡古道邊明知牽不住無奈思纏綿妾心化
春草遮歡山水程明知遮不住到處得逢迎

湖陰

多時欲作湖陰行此日湖陰行始果天寒歲晚野不暉日暮
途窮馬時墮似聞人語不見人轉過林梢見燈火是時人畜
同時饑入村沽酒村民疑比鄰環集叩來路話久方知宿程
誤官嚴不敢留生客更欲披星向前去我去村翁客小留忍
待月出東山頭

將至蕪湖憶文子容甫

向曉離亭舉客杯青山一路送人來際天無樹知江近極浦

有帆和雨開弔古空灘餘戰艦悲秋斜日上層臺故人回首
重城外爲報離腸已九回

客夜憶城東舊遊寄懷左二

人生百年如過客那得歡遊不回憶眼看秦越皆殊鄉那得
知已常對床我念城東好風月同遊左子復清發被酒每逐
殘星歸哦詩動及晨鐘歇君家屋後林麓美佛院陰森隔烟
水時携鐵杖來叩門驚起山僧及童子醉倚長松叱欲飛片
片秋雲墮如紙雲階月地杳莫攀卽今惟有夢中還樓頭書
劍飄零日曲裏家山悵望間始知聚散枝頭烏有限歡娛不
常保養君色笑承親幃樂事天倫無一少我行日夜江之濱
素衣淄盡心生塵山川風景總堪賦偏覺故園邱壑真遙知
兩當軒詩鈔卷一

七

文酒足清讌可念同遊漂泊人

春穀道中

朔風吹客度長林浩蕩川原雪氣陰一澗紅花澗名寒浙冽雙

峯隱玉晚蕭森人因瘠地多饑色烏爲空天有去心日暮那

堪遂更遠馬嘶猶似助悲吟

山寺偶題

得得千山引去程精藍小住一牽情十年懷刺侯門下不及

山僧有送迎

聞思復來歲館始孰

久客青山下相思有定踪感雖傾一飯才豈愧千鐘雪助看

山意春生對酒客官齋倘裏寂書札感吳儂

青山道中聞稚存已至姑孰

馬頭雲斷處遙見謝家山月色常依舊風流孰與攀故人寄
芳訊今夜隔重關爲爾搔鞭急蒼蒼暮靄間

南舟佳麗地待爾賦新詩相憶魂應斷相逢喜可知雪消牛
渚夕風起鵲磯時自是歸心切非關馬力遲

山行

村鷄鳴四野白策蹇驢東怪木常爭路長松獨受風樵歌生
澗底燒氣入雲中回首題詩驛真同雪上鴻

兩當軒詩鈔

卷一

六

兩當軒詩鈔卷之二

武進 黃景仁 仲則著

長寧 趙希璜 涓川校

太白樓和稚存

騎鯨客去今有樓酒魂詩魂樓上頭欄杆平落一江水儘可
與君消古憂君將掉頭入東海我亦散髮淩滄州問何以故
居不適才人自來多失職凡今誰是青蓮才當時詰屈幾窮
哉暮投宗族得死所孤墳三尺埋蒿萊吁嗟我輩今何爲亦
知千古同一坏酒酣月出風起壑浩浩吹得長襟開

舟泊

江澨莽遼澗暉陰景俄變地冷荒春心霧酸侵酒面破廟雲
兩當軒詩鈔 卷二 一
翻旗空庭日移線獨立不見人塵頭野風旋

上朱笥河先生

先生卓然坐虎皮旁羅寶從皆瑰竒珠光劍氣紛陸離貢之
玉堂當世希如余卷曲樗散資不可無一聊備遺公言我欲
拂拭之金沙同台吾能治退而喜也心然疑指胸兀兀前致
詞嗟哉小子幼苦饑典書易米共衰慈草間咄咄哦惡詩自
爲其知曾無師公名束髮心已知三千里外無見期義興兩
龔諱我私言公相土無成規掃門求見君無遲我時唯唯神
魂馳聚米不遂徒嗟咨竭來乞食江之湄頭如蓬葆衣塵淄
日日面篋愁孤羈忽聞公至樂不支徑爾投刺趨階墀不用
溫簡揖路歧豁然霽色雲霧披意氣漫詡山可移誘我力學

言如飴感激真乃零涕洟賓朋暇日羅盤巖墻頭酒過梨果
乖忘情畧分兼娛媼公也環顧掀髯髡不惜百妍間一媿於
時歲月窮崦嵫寒灰忽爾逢春熙恩遇已極心轉危一身塊
然百不宜兩手只解霜螯持漂零落魄志業隳漸恐化兩難
爲施他年荆櫟從芟夷卽是此日牛醫兒雖然一事願脫錐
長謝乃敢終其辭假如公有烟霞思此必弟子相追隨前驅
獼猿後麋麋携囊入雲採苓芝剝刷幽怪窮險巖佐公巨筆
揮淋漓此則不敢多讓誰公聞此言顧我嘻小子狂矣言無
稽言雖無稽心不欺春葵只有傾陽枝作詩呈公公解頤謂
我詩筆猶可爲十年吟苦霜髯絲一編吐氣今其時

以所携劍贈容甫

兩當軒詩鈔

卷二

二

匣中魚鱗淬秋水十年仗之走江海塵封繡澁□□□一道
練光飛不起相逢市上同悲吟今將拂衣歸故林知君憐我
□□□贈此一片荆軻心

大雪登清風亭

竹屋風亂鳴青燈黯無色城頭鼓忽沉戶外雪盈尺曳革來
幽亭亭空澔虛白了了見千峯森森動孤魄林輝辨枝條竹
重尖蕭城自來頓袖吟誰尋獨行跡何處無雪看清境此難

覓

桓溫墓

虎視中原氣未伸一生功罪總難論錯緣溫嶠推英物便認
王敦作可人淚盡金城空感逝歌殘白紵定傷神南州舊是

登臨處廢壠千年草木春

夜雨

瀟瀟冷雨灑輕塵，僵卧空齋百感新。早久喜滋栽麥隴，泥深
恐阻寄書人。希聲或變中宵雪，貴價先愁來日薪。歲暮柴門
寒較甚，可堪此夜倍思親。

尋三元洞因登妙遠閣

寒江水落磯痕枯，磯石骨立無寸膚。磴危沙滑不受履，舍身
絕穴千盤紆。倒行蒲伏盡歷級，始見斷壁嵌僧廬。海雲下棟
猿接臂，雷鼓隱竇蛇藏車。最高一閣小於艇，憑欄浩浩江聲
轟采石。山峯翠窈窕，窀陽遠樹烟糝糊。魚龍怪氣走虛壁，水
深天濶口象無。晨鐘噪起四山烏，晚汲唱過西巖漁。阻風聞
兩當軒詩鈔

卷一

三

有遊客到惡札疥壁，連篇書或云名山恨僧占。縱以歸我能
留乎一身未了地上事，親在詎敢逃空虛。海門東望白雲盡，
獨立飄渺余心孤。等爲過客且休歎，慙就古佛同跏趺。
十四夜京口舟次送別張大春帆歸揚州

談經說劍氣縱橫，畫舫銀燈黯別情。春水將生君速去，此江
東下我西行。蕪城鶴送三更喚，京口潮添半夜聲。後夜相思
同皓月，君家偏占二分明。

夜坐懷曹以南

回風飄飄捲庭綠，南枝啼烏北枝續。林深屋古蕭無人，遊子
徬徨坐中宿。我所思兮隔雲岑，十年久斷瑤華音。山中見月

倘相憶，夜長漫漫惟素心。

登翠螺山偕顧文子

茲山可遊無暇日三五今始同招携
草間得路至絕壁天半有風吹客衣
六朝重鎮一巨石九派急溜當巉磯
江山我輩不相識好放硬筆懸崖題

筇河先生偕宴太白樓醉中作歌

紅霞一片海上來照我樓上華筵開
傾觴綠酒忽復盡樓中謫仙安在哉
謫仙之樓高百尺樓中節使文章伯
風流鬚髯樓中人千一百年來此客是
日江山同雲開天門淡掃雙蛾眉
江從慈母磯邊轉潮到然犀亭下回
青山對面客起舞彼此青蓮一坏土
若論七尺歸蓬蒿此樓作客山是主
若論醉月來江濱此樓作主山作賓
長星動搖若無色未必常作人兩當軒詩鈔卷二

四

間魂身後蒼涼盡如此俯仰悲歌亦徒爾
杯底空餘今古愁眼前忽盡東南美
高會題詩最上頭姓名未死重山邱
請將詩卷擲江水定不與江東向流
虞忠肅祠

瓊帳如雲甲光黑飲馬完顏至江北
六州連棄兩淮墟半壁江東死灰色
雍公倉卒來犒師零星三五殘兵隨
勤王一呼草間集督軍不來來亦遲
萬八千人同一泣卓然大陣如山立
海陵走死賊臣誅順昌以來無此捷
降旗斫倒十丈長六飛安穩翅建康
此時長驅有八可以笏畫地言琅琅
不可與言言不必肯復中原豈今日
五路烽烟百戰平三巴門戶崇朝失
卽今青史尙餘悲卽今戰處留荒祠
寒蘆半沒楊林口

白浪猶衝采石磯江淮制置亦人傑下流觀望何無策再造
居然賴此人不是儒生敢經敵肅爽鬚眉一代雄誰合遺骨
老蠶叢招魂縱有歸來日應在吳山第一峯

觀瀾亭

岷江出峽連潯陽九派入海爭湯湯陡逢天門怒始激誰知
轉眼仍采石從此濤頭不肯降天縱曉磯與相敵奔騰萬馬
衝復旋采石不改青娟娟崖根有石亦崩剝力鬥畢竟無兩
全有江可憑山可倚天下紛紛乃多事得人守南山南人歡
呼北人歎所守或匪親北人飛渡南人奔時來一炬周郎火
事去三更擒虎軍誰將地險稱人傑天意茫茫渺難測海潮
三日能不來何況區區一拳石時清故壘半凋殘依舊江聲
兩當軒詩鈔卷二

五

去不還驚流莫道滄溟遠更有金焦兩點山

辛卯除夕

倏忽流光吹劍過年年此夕費吟哦歷窮詎有繩堪續面改
難如鏡可磨廿載偏憂來日促一身但覺負恩多遙知慈母
尊前意念子今宵定若何

宿黃山下農家夜起偶成

少日嵇康只厭煩每從塵鬪戀邱樊三間茅屋終吾事一片
嶺雲聞此言夜靜方知山月正心空不礙海潮喧此間卜築
真幽絕何處林泉非故園

雜詩

叔季交迫瀆所往多干茅原其所自始真意固不留鮑叔稱

古歡□□深自售晏仲稱善交敬至情亦浮昔賢固免此學
之類其流何況肉食者此意且未求後門別寒素前門揖貴
游前後俱難存終指舊朋儔搗謙益整折去已千里修吁嗟
世俗交君子以爲羞

古相行

萬齋數椽留十日如此稜稜一株柏橫看側看無不奇合曉
相逢夢猶得陰軒澹滌灰星星上枝翠點針矗矗晴穹浩浩
壓其頂猶自拏空欲騰擲腹中空洞客萬千歲久元蚰聚成
國夜深冷院蕭無人飛起空中鬥雌霓歸來爪牙青血痕四
顧猶攝狐狸魂曉來亦如夢初覺俛見大地盤其根豈因水
霜始淬厲不待雷雨方精神餘膏尙借百草活堅節詎耻柔

兩當軒詩鈔

卷二

六

條鄰

旁有桑數林

傾頹蹉蹉翳荆蔓獨立相看發長歎淒涼寂寞

誰肯過日落空墻與君伴深山大澤斤斧追重垣綺榭位置
卑黃腸裂出鉅鹿野御史府中烏夜棲凋零一一目所見底
用頭角猶低垂蒼官倘見明月夜密邇客憲來賦詩

贈萬黍維卽送歸陽羨

誰遣依人得得來庾郎家世本崔嵬半生蹭蹬因能達百樣
飄零只助才歌到橫汾聲盡羽飲從河朔氣如雷柳陰淨洗
連錢馬曾踏窮邊雪窖回

語我家山味可誇燕來新笋雨前茶瓣香歲展方回墓畫舫
春尋小杜家北郭買田賒志願南山射虎舊生涯他時日雪
如相訪陽羨溪光似若耶

北里

北里新聲不自愁
臨風終日按箜篌
等閒一聽征人住
白了江南少婦頭

春日客感

只有鄉心落雁前
更無佳興慰華年
人間別是消魂事
客裏春非望遠天
久病花辰常聽雨
獨行草路自生烟
耳邊隱隱清江漲
多少歸人下水船

雜詩

駒駝本野駿
萬里流沙來
長嘶北風裏
嚙斷黃金枚
奈何失所處
驅之瘴海隈
爰蒸足溪峒
裹身綠烟堆
長尾不停曳
草卧蚊如雷
南人誇犀象
轉鬥聲轟虺
爲君奮馳驟
猛獸皆驚

兩當軒詩鈔

卷二

七

摧龍性豈難
變報恩惟盡
才落日下西北
回首心餘哀
不怨用遠地
朽骨終就埋
但願埋骨處
得近黃金臺

隨珠可照夜
故爲悲暗投
干將沒地久
光乃燭斗牛
物壽奇自耀
人命憂短修
譽聲滿身後
不復來山邱
誰能抱辛苦
於世真無求
理美孰能當
元文悲處幽
見屬或疑布
屈弦反直鈎
對之實氣結
慷慨不自由
及聞大人論
外此乃不憂
清明雜夢昧
天地賴久留
况彼薄俗見
汶汶何悠悠

送容甫歸里

經年梗泛判遊踪
一笑驚從意外逢
甫見投詩辭柳惲
反因墮甌識林宗
棲依共作梁間燕
襪柯孤生澗底松
畢竟因人

非了事誰將雲海盪君胸

美君樂事故園新問字談經大人此日衆中推折角他年
殿上待重茵療饑字少憐予陋勸學言溫鑑爾真自忖不材
終放棄江潭瓠落客吟身

聚本無端別可驚寄書寄劍是生平

以所携劍寄容甫容甫亦以書寄余今歸之

脫囊生贈吳三尺完璧全歸趙百城酒盡雲山俱黯黯夜深
心燭共明明前途鷗鳥如相訊爲道忘機是舊盟

大雨宿青山僧寺

卽謝公宅

萬樓對茲山了若圖障列誰知一髮皺中有萬盤折冒雨遊
亦佳失聲歎竒絕長嵐互起落陰霾肆生滅蕩魄石氣腥迎
面雲陣裂豈惟咫尺迷收視且不迭惻然念輿夫勞彼樂我
閱身甫轉麓過雨已濕衣澈風澗相喧逐怖畏不可說失足
兩當軒詩鈔

卷二

八

萬一間爾我共蹉跌决然舍之行藤蘿奮攀擷挺險不知勇
招提到眼瞥入門一回首此可咋人舌得非渤海翻或是瓠
子决平鋪黃海雲倒傾太華雪看雨等閒事此景見真缺佛
樓架山頂黯黑似絕穴壓驚飯宜飽燎衣薪用熟同遊三五
人煮茗待我啜雨細聽山溜神句變鳴咽宵夢猶瞿瞿蒼崖
恐崩掣勞魂與清氣息息共吁咤林鳥忽一啼曉鐘聽漸闕
披衣推山牕昨景去如撇萬里見川原千堆散邱垤山容沐
如髮疇色繡疑纈纈咄嗟轉盼間變態何疾烈急作登峯行雜
拉步何屑前嶽獻娟娟後徑斂清切慨思宣城守茅宇此專
結獻聲寂不聞琴韻杳以輟空餘一池存周環狀如玳藻色
連苔階雨後共淒潔沉沈選佛場若爲此時設冥心悟流景

抗懷緬前哲今昔且殊情今古詎同轍謝公青雲人尙爾笑
其拙我勞復何爲卽景且怡悅烟中變長江一氣三曲折漲
聲遠可聞練影細堪掇始知此山高羣峰等峴臬轉思寓樓
望長空見屹嶻風雨爲合離陰晴判藏泄所見皆外境精蘊
此深閉縱有百日留涉趣詎能竭歸當圖卧遊今方與山別
春暮

江南三月雨零此千花色啼鶉勸入歸啼鶯復留客歸旣不
得歸留亦安可留閒雲及江水浩蕩相與愁春風吹百草草
深没行路草青客南州草枯在何處人生盡如寄不如山上
禽更聽隔溪管能傷日暮心

武陵吳翠成降此題詩仿其意爲此

兩當軒詩鈔

卷二

九

憶爲君家婦生年十三五牽裾送君行行爲洛陽賈妾顏如
種花妾心似茶苦妾夢猶隨南浦雲妾身已化西陵土西陵
松柏同心存同心不移土尙温昨夜西風動地起搖動松根
驚妾魂君歸不須奠杯酒有酒特歸與君壽君歸不須洒清
淚洒淚愁澆土花碎自分天長地久心未應拋擲有如今身
前不識門前路待要尋君何處尋

寫懷示友人

寶馬不戀粟男兒重橫行如何二三子各爲轅下鳴短短白
日影共此萬古情江流不能盡付以深杯傾詞賦奪天巧讀
之人不驚時復仰空廓屹立何崢嶸咫尺天路隔縹緲望玉
京側聞雲中君假我雲車輕騰上無所懷回首惜令名且揖

海上客笑傲爲生平

發蕪湖

纔煮鳩茲市上魚微哦依舊上肩輿偶看芳草思名馬每見
青山想異書古戍按圖三戶後荒祠披版六朝餘野情更異
勞踪迫安得前峯便結廬

平岡複疊樹蕭森轉眼長雲度嶺陰詩思折於盤礪路勞人
多似集田禽地曾經戰常難墾山不知名反耐尋舊說蕪蕩
多產處斜陽蔓草自然深

南陵道中

又作輕裝發驚心逝者川殘春辭馬首舊路落愁邊縣古飛
花裏程遙去鳥前還看道旁柳手植已吹棉

兩當軒詩鈔

卷二

十

水西和稚存

白河羅羅石齒齒徑溪溪水清且駛姑舒泉會麻川來印文
一折三百里此間水西天下稀複嶂重岩匝烟水水邊古寺
何陰森南齊永平構遺址殿脚挿入玻璃光鐘聲飄來翠微
裏寺後一池名浴龍風光口口昔遊此老僧一定垂百年鉢
中蜿蜒背人起作帝何似棲禪佳博得長安一坏耳大中事
瑣不足論胡貶才人子温子白龍魚服豫且困洩憤區區無
乃鄙遺踪空指烟霞間千秋未移雲物美謝守題詩亦寂寥
葛洪丹林荒荆杞神仙富貴兩茫茫惟有活溪流不死

桃花潭

村人汪倫節藏佳酒
待李白白贈之詩

昔人已掛錦帆行拋得澄潭徹底清偏是村人能醉客非關

才士易言情抽刀斷水云云合蕩槩飛花的的明我有新詩
珍重久只無人送踏歌聲

山行雜詩

暈嶺插天際百折征途艱浮雲向人起蔽此全鄣山耳邊水
聲急激澗流無還干丈瞰深黑去我咫尺間失足豈可道慎
矣方躋攀

飛梁度嶮壑陂坳漸修曼連峯互暉陰趨向情態換登頓已
云疲腹饑亦思飯誰知山徑長去路南過半四顧無一人山
頭日將旰

道旁見樵衣疑是虎咬餘側身望中嶺半黍形蠕蠕須臾負
薪至低唱過我車爲言山猫多危語訝僕夫語罷入林去頓

兩當軒詩鈔

卷二

十一

使余心孤

行行度深樾自顧不見影一風吹我衣百體共淒警平生輕
路心內反猶耿耿虛氣一相乘壯志不可騁論事實及身此
理庶堪省

疊嶂忽中豁杈枒見山城是時及晚曩一片烟濛青頓與人
氣接往恐條忽平我馬何厓厓叱馭驅速行長坡落浩蕩回
首無留情

重至新安雜感

舊地重過思不禁匆匆人事感消沉昔遊城郭都如夢賸句
溪山得更尋林鳥尙窺前度客嶺雲能識再來心黃鬢老子

應無恙可許談詩坐漏深

調曹以南

六六青峯卷幔收當時因病滯冥搜山靈重與開生面瘧鬼
何能阻再遊舊物尚餘雙蠟屐此身無恙一扁舟只愁明日
丹臺訪相見軒皇也白頭

巳丑欲遊黃山病瘧不果

司馬清狂賓從賢一時文譙極流連新符已綰鄱陽守舊館
誰開北海筵到日仍看門似市箇中曾坐夜如年樓臺易主

人非昔燕子生涯絕可憐

謂王敬亭可馬

五載營巢苦未安此心常似越梅酸漁樵舊侶猶相訊猿鶴
深盟忍遽寒見長僧雖能說法自栽堤柳已垂欄依然着白
隨行路漸有兒童冷眼看

新安與洪稚存

昔卧碧溪月日對天都雲芳尊獨傾到扼腕無夫君哀猿與

兩當軒詩鈔

卷二

七

落狄一一非離羣轉徙四五年此間忽携手名山對故人問
我開懷否甫見藤蘿花今成陰溪路溪邊一片石我坐思君
處相思亦云切相見幸勿踈且有向平約百年方及初

夜行

躑躅行宵路蒼茫不自愁無人烟草濶繞足水泉柔樹遠疑
村近星明識徑幽未知身過處可有屐痕留

春城

春城久陰雨欣見白日輪照我歎羈寂更照東西鄰東家娶
新婦開筵羅衆賓烹臠香徹舍喧笑夜達晨西家屋頽破中
有新死人床頭老嫗哭哭子聲酸辛共此日光裏哀樂胡不
均無情感過客側耳繼嘅呻觸權歎無憚聞感才有身俄頃

衆慮集首念依閭親有子常若無不得相對貧孤燈耿白髮
茹苦何能伸亦有蓬頭妻抱病卧積薪自爲我家婦甌釜常
生塵門戶持女手何以能支振一身常乞食所遇猶迺連言
念忽及此滂沱涕盈巾若語東西家哀樂稍可均更欲起相
告事運多相因啼笑互乘伏迎送如輪巡所見盡逆旅何者
堪爲真

道中偶成

在家習便散手足忘勞劬筋疲肉驚嬾櫛沐曉卧更厭當關
呼在路不自由鷄鳴轍催發萬家曉夢猶未醒帶黑城門半
呀豁出城歷亂雜溪塘野風吹來沁骨涼霧收山色隔林見
日出人影歌波長車襜不卷續餘夢夢聞人語過村庄饑來
兩當軒詩鈔 卷二 三

西岩石佛像

古壁呼燈照天然金粟裝石開生外相雲見定中光已覺空
山靜還愁過客忙大千煩惱意合眼未能忘

夜聞新安江聲

練江新漲萬馬似我初聞聲當戊年寓齋去年及里許尋聲
在在卧榻邊重城魚鑰鎖不住稍厭空夜喧無眠今來寓齋

去較遠聲亦少殺非從前誰知夢醒忽震耳繞胃蕩魄逾喧
闐竹床杲兀雜心動紙帳掣拽如人褰曉來靜聽歛無有但
以沉響追風絃臨窗啜茗清漱盎卽是此水相烹煎因思昨
來十日雨桃花漲覆千山顛豈無蘭椒并神漢亦帶黑蜃青
蛟涎清雖可愛亦可畏更憶往事心懸懸當時初度飲此水
一月對飯不下咽頭岑腹塊雜嘔泄服習許久方平痊今來
依舊飲此水此遭免否惟隨天窮薄久已輕性命但感時事
多推遷臨川徒作孔足歎論水且續莊生篇百壺明注醉江
上飽看急溜飛長烟

啼鳥行

白項老鳥何所求呀嗚呀呷啼簷頭須臾乃有千百至黑雲

兩當軒詩鈔

卷二

四

一片風颭颭啼聲潮沸雜悲怒問之旁人得其故朝來設肉
網其一此間卽是張羅處此時啼鳥啼更悲更有挾彈鄰家
兒弦聲一響鳥四散一鳥傷重拍地飛我觀此狀淚不止彼
爲呼羣身更死明知無益痛繫心物類相憐有如此誰與羅
者伊來前我今售放拚百錢毛蓬脰縮曳之出甫一脫手翻
飄然誰知老鳥伺墻角突起追飛羽聲蕭蕭邀之使轉啼匝簷
爾縱知恩去宜速人不如鳥能種情所恨缺陷難爲平悲歡
離合幸無恙何日能令死者生

牆上蒿

牆上蒿託身何高高託身雖高託根孤主人家有屋上烏鳥
餓墻頭啄寒蟲啄蒿飄飄墮隨風主人雖愛惜不能使鳥不

得食烏得食烏高飛同作寄人活彼此何用相仇爲

春江曲

良工製舸舷周回駕吳榜春江正花月縱載桃根槩觀者豔
若仙中流玉簫響深夜江妃遊和歌鼓織掌輕風吹我襟水
雲激空朗底用員嶠浮何必支機訪庶幾鴟夷人與語烟波
賞

門有車馬客

門有車馬客借問客何爲憶昔共杯酒高誼薄雲雷西遊躡
陵道東訪燕昭臺君乘鷲高足我馬方厖雁詎關時命蹇升
沉各異才客爲主人言言之使心哀詎以陌上花忘茲谷中
荏發篋出尺綺探懷出青瑰腰懸明月珠手奉黃金杯慨然
兩當軒詩鈔卷二

五

起相酬將進仍徘徊長揖笑相挽客今胡爲哉木生各有節
士生各有懷秉素苟不渝何用相炫財脫復共存問相好無
相猜

道中

西行及兩月身與萬物旅鵠鵝鳴我前千山富梅雨憂食及
麥秋憇勞戀槐午深幃留餘春高原迎初暑芳景一以移恍
若歲無主空緬曲冥賞方乖院花侶長爲陌頭人日月不我

與

古歌

豹兮苦廉狼兮苦貪狼心憂饑豹身憂肥狼有膏而我其軀
兮豹亦憂其有皮疑斯用顧智則隱霧同空山之巖巖兮無

相視之耽耽兮

客夜

空館綠苔閉步看珠斗斜移床隨落月滅燭對孤花水調鄰
家笛雷首夢裏車離憂損年少頓袖一長嗟

江上曉行

螺磯復螺穴曉作十里霧我行忽入之茫茫失歸路膠舟識
浮沙聞臭辨芳杜豈無日輪照蒼卒不可度江妃慘娉婷漢
女愁延佇相望迷漫閒何由躡靈步

冬夜

空堂夜深冷欲掃庭中霜掃霜難掃月留取伴明光

重遊齊雲山

兩當軒詩鈔

卷二

六

仙扃自古難再到茲山石門常洞開丹崖翠嶂皆舊識名山
與我真緣哉昔逢珠簾卷今見珠簾垂兩君深洞杳莫測爐
烟對面風吹吹風吹爐烟滿山起或沒山腰或山背移時一
片兜羅絳忽覺躡身化城裏豈惟舊遊不可識對面都如隔
千里三姑五老望隔雲雲中笑語如可聞似言十載陌頭客
何復來探山中春手披雲開出空相對我嫣然果無恙雲生
雲滅凡幾度石火流光問何遽終當麤畢向平心來向雲中
抱雲住

葉嶺

隔溪見崇嶺劊削眩直睹一石當折流衝剝幾千古自離白
岳來計程三里許岳勢信現奇奔兜太洵武行行漸平衍茲

嶺忽峭舉一洗磊砢形青空縱飛舞支峰轉徑得瞥眼巨靈
斧石理作斜皺僵極流媚嫵我行採點山茲或一班數回頭
視羣峰咄哉噲等伍

小溪

千山一瀾落客程遶之進溪枉塗勢却塗轉溪響迅沿回爭
向背趨避判逆順時歷積磴危石氣撲衣潤心揚急湍洶意
靜重嵐鎮投險得自存卽事消悔吝未異妙善同用矢水淵
慎躉就村居人居行相勞問鷄犬無世音風水漱宵韻信宿
不得留修程當追趁

